

釋經題

按經中佛自所說，有五種題名：

- 一、大佛頂悉怛多般怛羅無上寶印十方如來清淨海眼
- 二、救護親因度脫阿難及此會中性比丘尼得菩提心入遍知海
- 三、如來密因修證了義
- 四、大方廣妙蓮華王十方佛母陀羅尼咒
- 五、灌頂章句諸菩薩萬行首楞嚴

今題於五名中略取十九字

大佛頂如來密因修證了義諸菩薩萬行首楞嚴經

1 大——即眾生心，心攝一切世間出世間法，故稱爲大。

在華嚴即一真法界，諸經或名實相，佛性，圓覺，真如。本經名如來藏，其實皆一心也。

是知此心，十方無盡，三際莫窮，爲法界體，在迷曰如來藏，在悟曰修證了義，在因爲菩薩，在果爲首楞嚴王，一經要妙，不出此矣。

貫下則密因爲大因，了義爲大義，萬行爲大行，首楞嚴爲大定。具此諸大，是爲大經。又密因是理，了義是教，萬行是行，楞嚴是果。則受持此經者，依大教，解大理，起大行，證大果。

2 佛頂——表法勝妙。

華嚴法華如佛全身，此經為如來頂，極顯圓頓尊妙。佛頂最勝無上，顯此法最勝，依修直趣無上菩提。佛頂最妙無見，顯此法最妙，唯佛究竟，非他能了故。

3 如來密因——即正因佛性，眾生等有，迷而不知，即二

根本中真本。

一：生死根本
二：菩提涅槃

不唯近具根中，實為遠

該萬法。此取六根門頭，頓悟圓湛不生滅妙明真心「如來藏性」，乃是難測難知最深最密之法。即妙奢摩他，頓悟了達則微密觀照。密——遣權小著相之過。因——遣圓教狂慧廢置進修之過。

4 修證了義——了因顯發。

因信起觀曰修，即以觀行為修，非歷事造修也。以解悟為證，非歷位取證也。

修了義：解六結動、靜、根、覺、空、滅越三空人空、法空、具空。

證了義——獲二勝上與諸佛同一慈力，下與眾生同一悲仰，發三用三十二應、十四無畏、四不思議。

用根不用識，特選耳根為了義中之了義。一修一切修，一證一切證。

從性起修，非事相之染修，非新成之實證，即妙三摩提，故為了義。

5 諸菩薩萬行——緣因助修。

分證諸聖，歷位所修，行應無量，如十信，全根力而植佛種。十住，生佛家而成佛子。十行，廣六度而行佛事。十回向，回佛事而向佛心。四加行，泯心佛而滅數量。十地，契真如而覆涅槃。等覺，齊佛際而破生相。

圓頓行人，功業惟在初心，乾慧以後，即任運流入如來妙莊嚴海，即妙禪那也。

6 首楞嚴——妙果究證，大定之總名，圓含上三，爲一定之全體。

佛自釋云：一切事究竟堅固。古德依此說明其能窮澈諸法根底本源，法法無非實相，求於去來生滅，了不可得，如法華所謂「世間相常住」是也。

7
經

—
(略)

經明七趣原無，五魔預識，理障不蔽，奢摩，三摩，禪那，始終不壞，故直目之曰：究竟堅固，所謂首楞嚴也。交光大師以妙圓大三定釋。

1 此是妙定：正以性本自具，天然不動，不假修成。

2 此是圓定：正以此定，不但獨取自心不動，乃統萬法萬事，皆悉本來不動，為一定體。

3 此是大定：正以此定，縱在迷位，尚且不動，開解之後，豈有出退。

釋章題

大勢至念佛圓通章

1 大勢至——啓教之人也，淨宗初祖，以念佛心，入無生忍，都攝六根，淨念相繼，不假方便，自得心開，入三摩地，斯爲第一。與觀世音現居此界，作大利樂，於念佛眾生，攝取不捨，令離三途，得生淨土。

2 念佛——法也。智也。俗，事，修，行也。

3 圓通——境也，真，理，性，寂也。

4 章——能詮文字，章句也。

釋經文

大勢至法王子。與其同倫。五十二菩薩。即從座起。頂禮佛足。而白佛言。

1 大勢至——約行自利思益云：我投足之處，震動三千大千世界，

及魔宮殿，故名大勢至。

觀經云：此菩薩行時，十方世界一切震動，此菩薩坐時，七寶國土一時動搖。

約願上求

悲華云：願我世界如觀世音等無有異，寶藏佛言：由汝願取大千界故，今當字汝為得大勢。

約悲利他亦名無邊光。觀經云：以智慧光，普照一切，令

離三途，得無上力。

約本經釋

上求

中修

下化

若依本文，能念大勢佛，能攝六根妄，能接念佛人。具此三大德，威勢之至，故名。

假此菩薩發起者，表念佛法門，能發智光，得大勢力，離三界苦，取淨土樂也。

2 同倫——謂心願解行悉同也。華嚴大願精進力光明夜神

寄八地有八十四同，新經有八十八同。

3 五十二——十信，信佛是心，信心作佛。十住，住在三昧，觀佛實相。十行，行念佛行，度念佛人。十回向，回念佛心，向佛心住。十地，心地觀佛，地如佛地。等覺，憶佛念佛，去佛不遠。妙覺，

心想佛時，是心即佛。是知超凡入聖，唯有念佛為妙矣。

我憶往昔。恒河沙劫。有佛出世。名無量光。十二如來。相繼一劫。其最後佛。名超日月光。

1 無量光——大本光明遍照第十二云：「阿彌陀佛，光明

善好，勝於日月之明，千億萬倍。

光中極尊。佛中之王。是故無量壽佛，亦號無量

光佛，亦號無邊光佛，無礙光佛，無等光佛，亦

智慧

二：解脫平等一如

三：體寂用妙自在

四：大悲拔苦無對

一：真實

五：惠真實
利除無明垢
六：寂
而常照
七：三
業無染
八：慈
令安樂
九：離
相普益
號智慧光，常照光，清淨光，歡喜光，解脫光，

十：離生滅相
安隱光，超日月光，不思議光。

十一：此下二是放光

十二：全攝因果功德
不思議有五 1 橫超三界不俟斷惑。2 即生西方，橫具四土，非由漸進。3 但持名號，不假方便。4 一七為期，不藉多生時劫。5 持一佛名，即為諸佛護念，不異持一切佛名。

2 相繼一劫——此十二佛，乃古如來，非今彌陀，名號同

者，以師資一道，古今不異，是故同名不可窮盡，表行者十二時中，不念世間塵欲，念佛無間，又表轉凡成聖，轉妄想成佛德也。

彼佛教我。念佛三昧。

1 念佛有事理，事念則一心憶想。理念，念即始覺，佛即本覺，始本相合，始本不二，名爲念佛。

2 念佛有四：（1）實相。念自性佛。（2）觀想。如十六觀，心想佛時，是心即是三十二相八十隨形好。（3）觀像。觀彩畫塑造之佛像，經云：起立合掌一心觀佛。（4）持名。一心執持名號，不懷疑，不夾雜，不間斷。

3 梵語三昧，此云正定亦云正思，正心行處。一心念佛，名正定心，若他念者，即名邪思惟也。

4 念佛三昧，亦名一行頓三昧，亦名諸佛現前三昧，般若始

三昧，圓普等三昧。

5 念佛三昧，古稱徑路，而持名一法，徑而又徑，易行疾至，稱其名號，本願如是。此方人心雜亂，必令專心一境，乃得往生。

譬如有人。一專爲憶。一人專忘，如是二人。若逢不逢，或見非見，二人相憶。二憶念深。如是乃至從生至生。同於形影。不相乖異。

1 初喻佛念眾生，眾生不念佛也。

2 後喻生佛念同，雙憶不離也，如是一心念佛，心同佛也，心同形亦同，不唯此世，乃至生生世世，形影皆同也。

十方如來。憐念眾生。如母憶子。若子逃逝。雖憶何爲。

1 前二人喻，泛指親友。此母子喻，最爲親切，先喻單憶有離。

2 佛念眾生，遠過於母，母念子，慈止一世，佛念眾生，慈心無盡。

子若憶母。如母憶時。母子歷生。不相違遠。

1 後喻雙憶不離，一切眾生，仰慕彌陀，果能如佛之憐念眾生者，自然感應道交，必得見佛往生矣。

2 高齊大行和尚云：信憶二字，不離於心，稱敬二字，

不離於口，任意早晚，終無再住娑婆之法。此爲念佛第一要策。

若眾生心。憶佛念佛。現前當來。必定見佛。

1 無量壽云：一向專念。觀經云：一心繫念。彌陀經云：一心不亂。即此中專心憶念，及下攝根淨念。果能心佛分明，唯此一念，更無餘念，念念相續，成就三昧，是真有淨土也。

2 見佛，現前則有定中見，夢中見。當來有報終見，華中見。

3 須知但念彌陀，即是念一切諸佛。但念此經，即是念諸佛一切經，只要一心專念更莫疑也。

4 諸佛心者，清淨，平等，大慈悲是也。故真慈平等，

即是佛心（真性）現前，當時即入佛法界也。

5 有一生念佛，不生淨土者，念佛不精誠故，生疑不篤

信故，無有往生願故，不能斷貪愛故。

6 念佛人要自知宿世今生，種善不種善，作惡不作惡，

如是知己，善者增修，令其圓滿，惡者對治，令

其除滅。以念佛相好，對治昏沉，以念佛修因證

果，無量智慧功德，對治妄想。以平等法性，空

寂無爲，對治惡境。以念佛菩提威勢力持，本願

功德，不爲世間事務牽纏。以念佛相好光明萬德

莊嚴，不爲一切病苦所惱。

7 存心念佛，廣大功德，無有不成，深重業障，無有不

滅也。

8 或有宿障深厚，及不善用心，容有魔起，須當辨識，凡所現相好，不與經合者，不與本所修行合者。所現境相久久不滅，或謝去更來擾亂，凡是令心識動亂，煩惱增重，眾多妨礙，不利定心者，悉屬魔作。

9 修淨業有三種力：（一）念力。（二）本有佛性力。（三）諸佛本願威神加持力。經云：若有得聞彌陀名號者，阿彌陀佛，住其人前，魔不能壞彼正覺心。是故但當一心念佛，莫疑慮也。

10 心淨佛現，心垢佛滅。心迷佛隱，心悟佛顯。

去佛不遠。不假方便。自得心開。

1 初句躡前修因說，次二句，正明果證相也。

2 事念見三身佛，理念見自性佛。

3 念佛法門，即勝異方便，故不假餘方便門以助顯也。

念佛即是念心，心佛無別，自他不二，故不需心外他佛作方便也。

4 自得心開，以念佛心，入佛知見，圓滿菩提，歸無所得，是證成佛果。所謂但得見彌陀，何愁不開悟是也。

如染香人。身有香氣。此則名曰香光莊嚴。

1 初二句舉喻，次二句出名。

2 身近佛身（戒），心開佛心（定慧），如染香人。謂

以如來法身香光，莊嚴自心本覺如來。

3 華嚴云：菩提心香，能除貪恚痴等熱惱，令其具足智慧清涼。菩提心香，一念功德，普薰法界。菩提心香，若一發時，即令一切善根，永出三界。

4 清涼疏鈔結成十香：（一）發菩提心香。（二）忍香。（三）精進香。（四）戒香。（五）定香。（六）慧香。（七）解脫香。（八）知見香。（九）稱法界香。（十）忘能所香。若能於嗅香時，起如是十種觀照，則名入香光室者。

我本因地。以念佛心。入無生忍。

1 本因，因也，無生，果也。次句，徹果該因。

2 念佛心，述己非用分別意識而念，乃六根都攝，一心不亂念也。

3 入，即悟入。有解悟，證悟之分。本經三漸次至十信位，解入也。住，行，向，地，等，妙，證入也。有淺深地位不等。小聖悟生空，破人我執，亦是證入生忍也。

4 仁王經云：無生法忍菩薩，所謂遠^{七地}，不動^{八地}，觀慧^{九地}。謂以真正淨念，除滅邪妄濁想，內想不起，外境自寂，內外法空，一切無生，得無生忍。又無生忍

，亦名無滅忍，無住忍。

5 華嚴云：無生忍者，不見有少法生，亦不見少法滅。

無生，無來，離欲，無作，無願，空也。理無滅，

無盡，無去，不空也。事離垢，無別，無處，寂靜

，無住，空不空也。用中空，不空，是理事實相，貴

在用中也。

今於此界。攝念佛人。歸於淨土。

1 此界，五濁惡苦世界也。淨土，彌陀極樂國也。

2 攝，加持，接引也。歸，回歸也。此界的是旅居，淨土的是家鄉。念佛人現前蒙菩薩以大勢力加持令

念不退，臨終以願力接引，令得往生。

3 有五法門，見五土佛。(一)憶想外境念佛，生變化土，見化身佛。(二)攝境歸心念佛，生劣受用土，見劣受用身佛。(三)心境互融念佛，生勝受用土，見勝受用身佛。(四)心境雙泯念佛，生法性土，見法性身佛。(五)圓融無盡念佛，生法界無障礙土，見法界無障礙佛。

4 具信願行三資糧，聞思修三妙慧，始名念佛人。淨宗學會要求念佛人，要具五德，三福，六和，三學，六度，十願。一向專念，求生淨土。依佛為境，心，願，解，行，一一同佛，是真念佛人也。

佛問圓通。我無選擇。都攝六根。淨念相繼。
得三摩地。斯爲第一。

1 楞嚴五經云：我今問汝，最初發心，悟十八界，誰爲

圓通，從何方便，入三摩地。今正結答。

2 包含眾妙，總攝萬化，不滯一隅，曰圓。遍入諸有，
統生一切，無有間隔，曰通。

3 因中修行無選擇者，外不選六根相，內不擇六根性（
見聞覺知性也）。

4 根都攝者有二：（一）眼不取色，乃至意不緣法。（
二）唯依一精明心，不行六根用故。

5 餘念不生曰淨，念而無念故。一心繫佛曰念，無念而

念故。

6 梵語三摩地，此云等持，謂平等持心，事則成念佛三昧，理則顯本性如來。

7 蕩益大師云：念佛法門，別無奇特，只深信力行爲要耳。佛云：若人但念彌陀佛，是名無上深妙禪。天台云：四種三昧，同名念佛，念佛三昧，三昧中王。蓮池大師云：一句彌陀，該羅八教，圓攝五宗。只貴信得及，守得穩，直下念去，誓無改變，決定得生。一得往生，永無退轉，種種法門，咸得現前。

8 又云：真能念佛，放下身心世界，即大布施。不復起貪瞋癡，即大持戒。不計是非人我，即大忍辱。

不間斷，不夾雜，即大精進。不復妄想馳逐，即大禪定。不爲他歧所惑，即大智慧。願與我同學共勉之。